

**Nunat Aqqinik Aalajangiisartut**  
**Decembarip 17-anni 2008-mi**  
**Oqaasileriffimmi ataatsimiinnerat**

**Peqataasut.:** Carl Christian Olsen, , Tukummeq Qaavigaq, Karl Elias Olsen, Stephen Heilmann  
aamma Abia Abelsen.


Allatsi: Lisathe Møller Kruse.

Oqaluuserineqartut makkuupput:

1. Tikilluaqqusineq
2. Imaqarniliap akuerinera (*novembari 26-anni ataatsimiinnermit imaqarniliaq*)
3. Nunat aqqinut Allerusat-nut Allerillat-nullu tunngasoq
4. Ujarassuit Kangerluat-nut tunngasoq
5. Nunat aqqi Sioqqap kitaatunginnguaniittut (nunat aqqi tallimat pineqarput)
6. Qeqertaq Sermitsiap kitaatungaaniittoq Qeqertaarsukasik-mik Nasuakasik-millu  
ateqartinneqartumut tunngasoq
7. Exel-fil 1250 (Umiarsualivissiffiit: Paamiut aamma Qeqertarsuup kujataaniittoq  
Takisup Qeqertarsua)
8. Exel-fil 1351 (Nuummi Nuullu eqqaani umiarsualivissiffiit)
9. Nunat aqqi aalajangikkat avammut paasissutissiisutigineqartarnissaat pillugu  
eqqartuineq
10. Taasariaqartut allat

### 1. pillugu –

Ataatsimiinnerup aallartinnerani Nunat Aqqinik Aalajangiisartunut siulittaasoq CCO  
tikilluaqqusivoq.



## 2. pillugu –

Novembari 26-anni 2008-mi Nunat Aqqinik Aalajangiisartut ataatsimiinnerannit imaqarniliaq akuerineqarpoq.

## 3. pillugu –


Paamiut saavani qeqertap aqqa nalunaarsugaatigeriigarput “Allerusat” Paamiuni nunat aqqinik ilisimasalinnit naqqiissuteqarfigineqarpoq. Nalunaarsugaatigeriikkagut aallaavigalugit qeqertap Allerusat qeqertat marluk imminnut attuumaannangajattut aappaaniippoq avannarliulluni. Paamiunili nunat aqqinik ilisimasaqartut naqqiissutigivaat qeqertap “Allerusat”-nik ateqanngitsoq qeqertalli taakku marluk Allerillat-nik ateqartut nalunaarutigalugu. Paamiuni nunat aqqinik ilisimasallit naqqiissutaat Nunat Aqqinik Aalajangiisartut akuerivaat.

## 4. pillugu –

Immap assingani 1300-mi Nuup kangerlorujussuata ilaani kangerluk Ujarassuit Paava-nik ateqartinneqartutut nalunaarsorneqarsimasoq Lisathe Møller Kruse-mit ilumoornersoq misissorneqarpoq. Nuup kangerluani nunaqarfikumi Ummannami perortoq Efraim Hansen paasiniaaffigereerlugu paasineqarpoq immap aqqa Ujarassuit Paavat kangerluup paavaniittoq, kangerluttaalu Ujarassuit Kangerluat-nik ateqartoq.

Nunat Aqqinik Aalajangiisartut Efraim Hansenip nassuiaataa akueraat, taamalu kangerlua Ujarassuit Kangerluat-nik ateqartutut nalunaarsugaataalerlunilu Kort- og Matrikelstyrelsenikkormiunut immap assingani 1300-mi kangerluk Ujarassuit Paavat-nik ateqartinneqarsimagaluartoq Ujarassuit Kangerluat-nngortequneqassaaq.

## 5. pillugu –



Nunat aqqi Qeqertarsuatsiaat Paamiullu akornanni Sioqqap kitaatungaaniittut immallu assingani 1212-miittut pillugit Paamiuni aalisartut piniartullu siulittaasuat Nikolaj Knudsen suleqatigineqarpoq. Nikolaj Knudsenip nunat aqqinik ilisimasallit pissarsiareriarlugit nunat aqqinik nalunaarsueqatigivai, suleqatigisai tassaallutik Paamiut eqqaani nunat aqqinik ilisimasaqarluartut arfineq pingasuusut.

Nunat aqqi nunat aqqinik ilisimasalinnit nalunaarsorneqaqqammersut Nunallu Aqqinik Aalajangiisartunit akuerineqaqqammersut tallimaapput, ukuullutik: Qisukut (VIG), Qisukut Kujalliit (Ø), Sioraq Kujalleq (Ø), Sioraq Avannarleq (VIG), kiisalu Qisukut Kujalliit Avaliat (Ø).

## 6. pillugu –

Qeqertaq Sermitsiap kitaatungaaniittoq Qeqertaarsukasik-mik ateqartutut nalunaarsugaatigineqartoq allatut aamma ateqartinneqartartoq ilisimaneqarmat misissugassatut aalajangerneqarnerata kingorna Nuummiutoqqat utoqqartariligaasa ilaat Kristian Heilmann taanna pillugu paasiniaaffigineqarpoq. Kristian Heilmannip oqaatigivaa qeqertaq taanna namminneq Nasuakasik-mik ateqartillunikku, Qoornormiunngooq taamanikkut aqqusaarlugu ingerlasarnikut Qeqertaarsukasik-mik ateqartissimagunarpaat.

Nunat Aqqinik Aalajangiisartut eqqartoreerlugu qeqertaq pineqartoq pisortatigoortumik Nasuakasik-mik ateqartussatut aalajangiuppaat.


## 7. pillugu –

Nunat Aqqinik Aalajangiisartut nunat aqqi nalunaarsugaatigeriikkat immap assingani 1250-miittut misissorpaat. Naqinnerliugaalunnguit naqqiissutigineqartut aqqinneqartussatut oqaatigineqartut saniatigut allanik oqaatigisassartaqanngilaq.

Nunat aqqi pineqartut bilagimi exel-filiusumi imatut atilinniipput: kort1250.xls.

## 8. pillugu –

Nunat Aqqinik Aalajangiisartut nunat aqqi nalunaarsugaatigeriikkat immap assingani 1351-miittut misissorpaat.




Ikerasak Aqissersiorfiup Ulaajuullu akornaniittoq Nordløbet-itut ateqartinneqarluni nalunaarsugaatigereerneqartoq aalisartumit Apollo Egede-mit oqaatigineqarpoq Aqissersiorfiup Ikerasaa-nik taasaritsik. Nunat Aqqinik Aalajangiisartut Nordløbet-imik ateqarunnaarluni Aqissersiorfiup Ikerasaa-nik ateqartutut ateqartilerlugu aalajangiuppaat. Nuup umiarsualiviani talittarfiit aqqaneq marluusut immap assingani 1351-mi tamarmik qallunaatut ateqartinneqartut atuisunit kalaallisut ateqartinneqarnersut Lisathe Møller Kruse-mit misissorneqarput. Illoqarfiup iluani aternik akisussaaffik Kommuneqarfik Nuummiimmat paasiniaaffigineqarput talittarfiit kalaallisut atii nalunaarsugaatigineraat. Paasinarsivorli nalunaarsugaatiginngikkat. Kommuneqarfik Nuummi atorfillip Frederik Holmip Lisathe Møller Kruse piumaffigimmagu nammineq kalaallisut nutsinnarsinnaagai, talittarfinnik atuilluartsut aalisartut Nuummiutoqarlu Kristian Heilmann paasiniaaffigivai talittarfiit pineqartut kalaallisut ateqartinnera. Paasinarsivorlu kalaallisut ateqartitertut, taamaattumik Nunat Aqqinik Aalajangiisartut talittarfinnik atuisuusut ataqqillugit talittarfiit kalaallisut ateqartinneqartut immap assingani 1351-mi kalaallisut ateqartussatut KMS-ikkormiunut nalunaarutigineqassasut aalajangiuppaat. Ukuuppullu:

- Kutterkaj → “Innannguup Talittarfia”-nngortinneqarpoq
- E-lige Atlantkaj, Kystpassagerkaj, Skonnertkaj, kiisalu W-lige Atlantkaj → “Umiarsuit Talittarfia”-nngortinneqarlutik.
- Fiskerikaj → “Fabrikip Talittarfia”-nngortinneqarluni
- Monteringskaj aamma Monterings- og anlægskaj → “Amutsiviup Talittarfii”-nngortinneqarlutik
- Sandlosningskaj → “Siorartaatit Talittarfia”-nngortinneqarluni
- Anlægsplads for tankskibe → “Orsiaatit Talittarfia”-nngortinneqarluni
- Trawlerkaj → “Aalisartut Talittarfia”-nngortinneqarluni
- Tidevandstrappe → “Tidevanstrappe”-uinnartinneqarluni.
- 

Nunat aqqi pineqartut immap assingani 1351-miittut bilagimi exel-filiusumi imatut atilinniipput: kort1351.xls.

## 9. pillugu –



Nunat Aqqinik Aalajangiisartunut ilaasortaasup Karl Elias Olsenip siunnersuutigisimavaa nunat aqqi aalajangikkat avammut paasissutissiissutigineqartarnissaat pisariaqaraluartoq. Siunnersuutaa ilalerneqarluni ataatsimiinnermi eqqartugassatut ilanngunneqarmat Nunat Aqqinik Aalajangiisartunut ilaasortaasut oqallisigivaat.

Karl Elias Olsenip nunat aqqi aalajangikkat avammut paasissutissiissutigineqarsinnaanerannut tunngatillugu taakkartugai tassaapput: Aalajangersimasumik radiukkut aallakaatitsisalersinnaaneq, atuagassiaqartariaqaraluarneq, filmiortoqarsinnaanerlu.

Isummat assigiinngitsut annissorneqarput. Ilaatigut radiukkut aallakaatitsissagaanni nunat aqqi sumiissusersiffigiuminaassammata iluaqutaanaviangitsoq, taamaallaalli Nunat Aqqinik Aalajangiisartut suut suliassarineraat pillugu radio iluaqutiginiarneqarsinnaasoq.

Ilaasortaasut amerlanerit quppersagaaqqanik atuagassiaqartalersinnaaneq iluaqutaalluarsinnaasutut isiginngilaat, ilaatigut peqqutigitinneqarluni siornatigut quppersagaliat iluamik atorineqartarsimanginnerat.

Filmiliorsinnaaneq iluaqutaalluurtussatut isigineqarpoq, qanorpiarli imaqartussaasoq aalajangiunneqanngilaq. Stephen Heilmannip KNR TV saaffigeqquaa oqarluni saaffigineqartuugunik tassunga tunngasumik filmiliorsinnaanermut qujamasussagaluqisut.

Oqallisigineqartut naggaserlugit Inatsisartut Kulturudvalgiani ilaasortat qaaqquneqartariaqartut aalajangiunneqarpoq. Tassa Oqaasileriffimmi suliarineqartartut suliassarpassuusinnaasullu soqutiginaateqartut aningaasanilli naleqartut eqqartorneqarnissaat kissaatigineqarmat.

### 10. pillugu -

-----

Carl Chr. Olsen  
Siulittaasoq

Lisathe M. Kruse  
Allatsi